



Peqatigiiffiit kattuffiillu sugaluartulluunniit, nammineq kajumissutsimik ingerlanneqartuni aningaasanik katersuiniarneranni nipilersortartunik Namminersorlutik Oqartussaniit tapiiffigineqarlutik tikisitsisinnaaneratt pillugu Naalakkersuisut piareersaateqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Doris Jakobsen Jensen, Siumut)

(Siullermeerneqarnera)

Qujanaq Inatsisartunut ilaasortaq Doris Jakobsen Jensen siunnersuummut.

Kajumissatsimik sulineq peqatigiiffiillu inuiaqatigiitsinni pinngitsoorneqarsinnaanngilluinnarput. Meeqqat, inuusuttut, inersimasut utoqqaallu kajumilersittarpaat timersornikkut, kulturikkut, ataatsimoorikkut ikiuillunilu suliaqarnikkut. Taamaattumik pingaartuuvog, peqatigiiffiit taakku periarfissineqassasut katersuiniarnerminni nukittorsarneqarnissaminut soorlu assersuutigalugu nipilersortitsinermik neqerooruteqarsinnaanermut.

Ullumimut timersoqatigiiffiit nipilersortartunik attartornissamut taperneqartartuupput. Demokraatini siunnersuuteqartoq isumaqatigaarput, taanna periarfissaq peqatigiiffinnut kajumissutsiminnik suliaqartunut allanut aamma periarfissaassasog. Piffinni ataqatigiinnerup periarfissat nukittorsassavai, aammalu ilimanaateqarnerulerlunilu, katersuiniarnerit tapersorneqarneruneri pitsaanerumik angusaqarnermik malitseqartumik.

Taakku saniatigut suliniut piffinni nipilersortartunut iluaqutaassaaq, tassami isertitaat annertusisinnaassammata peqatigiiffiit kajumissutsiminnik suliniartut amerlanerusunik suliakkiinerisigut.

Maluginiarparput, Naalakkersuisut akissuteqarnerminni siunnersuutip aningaasalersornissaa isumakuluutigigaat. Taamatuttaarli aamma maluginiarparput, Naalakkersuisut siunnersuutip akuerineqarnissaa innersuussutigigaat, imaassimassallunilu, Naalakkersuisut piviusorpalaarsorigaat, aningaasalersornissaata aqqinneqarnissaa. Taamaangippammi isumaqanngilaq siunnersuutip akuerineqarnissaannik innersuussineq. Demokraatit ataatsimiititaliami suliarinerata ilaatut Naalakkersuisut aningaasalersornissaanut siunnersuutaat tusassallugu qilanaaraat.

Siunnersuutip akuerineqarnissaa innersuunneqarpoq Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami oqaluusereqqitassatut innersuussutigalugu.